

LA QUOTIDIANA

FMR Fundaziun Medias Rumantschas, Via da Masans 2, 7000 Cuiru, 081 544 89 11, redacziun@fmr.ch

Batten cun whisky



Gl'act da batten dalla sculptura.

FOTO AUGUSTIN BEELE


Sonda han ils amatur dalla cultura da Laax inaugurau treis novas attracziuns dalla stad 2022. El center ei il caricaturist Hans Moser. Ils 13 da fevrer 2022 havess quel cumpleniu siu 100avel anniversari. Avon diesch onns eis el mort. Ina gronda part da sia veta ha el viviu a Laax nua ch'el ha era fatg part dalla veta culturala, sociala e turistica dil vitg. Hans Moser s'auda tier las personas che han documentau stediamein il grond svilup da Laax. Nundumbrevilas caricaturas ha el fatg e sias figuras dil Herr Schüüch ed il Closchi cul tgaun Henry ein stadas jamna per jamna en gasettas e revistas localas tochen naziunalas. A quella persunalitad ha la fundaziun Pro Laax dedicau differentas acziuns. Sonda han ins inaugurau il labirint sper il Lag Grond e battegiu la sculptura sisum la Senda Hans Moser. Quei han ins fatg cun whisky, gervosa ed aua frestga da Laax. (fmr/abc)

Pagina 3



Remo Arpagaus el labirint.

FOTOS AUGUSTIN BEELI



Ina caricatura sin ina tabla.



Fermada ella Senda Hans Moser.

Labirint, Sir Henry ed aua da Laax

Sonda han la casa da cultura Cularta ed il Museum da Laax inauguru da cuminonza treis novas attracziuns da questa stad. Tuttas treis han connex cul 100avel anniversari dil caricaturist Hans Moser. L'aua sco element custeivel vegn medemamein el center.

AUGUSTIN BEELI/FMR

Laax ha enconuschentamein en siu uoppen il glichun, il grond pèsch dil Lag Grond. Auas han en quella vischnaunca ina gronda munta-da. Quei saveva era Hans Moser (1922–2012). Avon diesch onns ei il caricaturist morts, varga la mesadad da sia veta ha el passentau a Laax. Per el era il territori cun ses lags e sias auas in parvis. En sia lavur ha el admoniu continuadamein da haver quitaun da quel.

19 tablas ella paliu

A quell'aua custeivla dedichescha il Museum da Laax in'exposiziun speciala. Quella ei s'aviarta sonda encunter sera en preschientscha d'ina gronda grupp da visitaders. Quella era seformada allas 16.00 avon la Cularta. Sper il Lag Grond, ell'umbriva dalla casa da cultura, ha la menadra *Yvonne Gienal* fatg il beinvegni. Ella ha annunziu ils treis cavazzins d'ina girada per inaugurar treis attracziuns culturalas dalla stad 2022 a Laax. Suenter ch'el era sefatschentaun cul poet *Flurin Camathias*, ei gl'artist ed inscener *Remo Arpagaus* s'approfundius el relasch dil caricaturist Hans Moser. Quel ha viviu da 1962 tochen sia mort il 2012 a Laax. El ha buca mo viviu, mobein era priu art e part dalla veta sociala, culturala e turistica da Laax.

Cun tuscha critica e creativa ha Hans Moser tematisau savens il svilup da Laax. Da quei ha Remo Arpagaus raquintau duront la girada d'in liug a l'auter. Emprema staziun ei stada il labirint cul tetel «Nein – diesmal machen wir es ohne Menschen». Igl ei ina punt per pedunz

atras la paliu. Ins sa entrar el labirint e contemplar 19 tablas tier la tematica. Gia avon 60 onns haveva Hans Moser entschiet a render attent cun ses dessegns ch'il carstgaun duessi haver dapli quitaun digl ambient, ei detti mo in mund. «In plan B havein nus buca», ha el scret 1971 en ina columna tier ina caricatura. Il labirint tracta da quei, la stad 2022 ei l'admoniziun pli actuala che zacu.

Batten cun in zanin whisky

Hans Moser ha schenghegiu siu relasch artistic alla fundaziun Pro Laax. Quel cuntegn numerus illustraziuns che han connex cun Laax. Ils onns che quei vitg sursilvan era el svilup turistic ha el mussau quei cuntinuadamein ella pressa svizra. Buca nausch, mobein satiric. «El describeva sesez sco legher pessimist», ha Remo Arpagaus getg sonda entuorn las 16.30, cu la grupp da visitaders ei sefermada avon in'otra tabla ella Senda Hans Moser. A caschun da siu 75avel gi da naschientscha haveva la vischnaunca da Laax dedicau ad el ina senda. Il caricaturist e columnist ha nuota calau da render attent als disavan tatgs dil progress. El ha fatg quei denter auter cun duas figuras legendaras. El scheva discuorer il «Herr Schüüch» ed era il «Closchi» cun siu tgaun vegneva a plaid.

Il tgaun da Closchi se numnava «Sir Henry» e quel ei ussa perpetuisaus. Pil caricaturist ch'ei morts ils 4 d'october 2012 fuss ei stau in gudiement d'astgar scuvierer la sculptura dedicata a siu tgaun. Entasum la Senda Hans Moser, gest sper in baun, ha gl'artist *Florian Fuchs* montau la figura da bronz ch'el ha calau per incumben-

sa dalla Pro Laax. Sir Henry para in tgaun cun carn e saun dil raz engles. El ei denton tschentaus franc e ferm sin in sochel da betun ch'ei sfundraus ella tiara. La sculptura da Sir Henry han treis persunas battegiu, secapescha cun aua frestga da Laax. Mo era cun in zanin whisky, la bubronda preferida da Hans Moser ed empau gervosa. *Yvonne Gienal*, *Remo Arpagaus* e *Florian Fuchs* han fatg la cerimonia.

Custeivla aua frestga

Apropos aua frestga da Laax: Suenter il batten festiv ella Senda Hans Moser ei l'entira cumpignia spassegiada anavos el vitg tochen el museum. Leu ha *Romana Brunold* beneventau ils presents. Il Museum da Laax dedichescha in'exposiziun a Hans Moser ed all'aua da beiber. Pigl giubileum da 125 onns fontaunas da Laax eri previu d'organisar quella gia il 2020. «Nossas fontaunas cumpleneschan oramai 127 onns», ha la menadra dil museum declarau. *Andrin Schütz* ha curatau in'exposiziun tematica e cumbinau quella cul quitaun che Hans Moser haveva pigl ambient. Per in provediment d'aua drova ei reservuars, aquaducts e hidrants, insomma, bia tecnica. Il quitaun per l'aua sco custeivel bein dil carstgaun ei garantius tras il cau-fontauna ed ils implonts dall'infrastructura. Quella premura muossa Hans Moser sin sia moda. Ins sa admirar el museum sia veta humoristica sin carstgauns e lur secuntenner – cun ni senza aua.

Dapi informaziuns tier tematicas Hans Moser, aua e museum Laax mira www.prolaax.ch